

**BASES DA CONVOCATORIA DE AXUDAS DE ESTUDOS PARA ALUMNADO DE 2º CICLO DE EDUCACIÓN
INFANTIL E DE CONSERVATORIO PROFESIONAL DE MÚSICA DE CARBALLO
Curso 2016-2017** (Aprobadas pola Xunta de Goberno Local en sesión celebrada o 29 de agosto de 2016)

PRIMEIRA.- Co obxecto de axudar ás familias cunhas condicións socioeconómicas máis desfavorables a afrontar os gastos derivados da escolarización dos seus fillos e fillas, o Concello de Carballo convoca as "Axudas de Estudos para alumnado de 2º ciclo de educación infantil e de Conservatorio Profesional de Música de Carballo para o curso 2016-2017".

SEGUNDA.- Para ser beneficiario destas axudas será requisito indispensable estar empadroado e ser fillo/a de pais empadroados no termo municipal de Carballo, con veciñanza no municipio, e convivir co beneficiario, ou emancipados con domicilio neste municipio.

TERCEIRA.- Para a valoración de solicitudes destas axudas teranse en conta criterios económicos. Estes criterios pondéranse da seguinte maneira:

1.- Ingresos máximos da unidade familiar: Poderán optar a unha axuda aqueles/as solicitantes cuns ingresos familiares anuais que non excedan as cantidades que se recollen na táboa seguinte segundo o número de membros computables da familia.

MÁXIMO DE INGRESOS FAMILIARES ANUAIS	
1 membro computable	9.938€
2 membros computables	16.964€
3 membros computables	23.025€
4 membros computables	27.342€
5 membros computables	30.560€
6 membros computables	32.989€
7 membros computables	35.391€
8 membros computables	37.780€

2.- Cálculo da renda familiar: Os ingresos familiares calcularanse por agregación das rendas de cada un dos membros computables da familia que obteñan ingresos de calquera natureza, de conformidade coa normativa reguladora do imposto sobre a renda das persoas físicas. Os membros da unidade familiar que presentasen Declaración do Imposto sobre a Renda de 2015, para os efectos do cálculo da renda familiar sumarán os recadros 380 (base imponible xeral) e a 395 (base imponible do aforro) da Declaración. No caso de exención legal de presentar a Declaración da Renda, presentarase Certificado de estar exento desta, na que tamén consten os datos sobre os ingresos que posúe a Axencia Tributaria.

3.- Renda per cápita: Para a valoración das solicitudes, a aqueles solicitantes que non superen os ingresos familiares anuais antes sinalados, calcularáselle a renda per cápita da unidade familiar, dividindo a renda familiar entre o número de membros computables da unidade familiar.

Para os efectos do cálculo da renda per cápita, computarán por dous os membros da unidade familiar (pai, nai, alumno e irmáns) cunha discapacidade igual ou superior ao 33%, que acrediten unha pensión de incapacidade permanente nos graos de total, absoluta ou grande invalidez ou que teñan recoñecida a condición de pensionista de clases pasivas cunha pensión de xubilación ou retiro por incapacidade permanente para o servizo ou inutilidade. No caso de menores de idade que non teñen dereito a recibir pensión, deberán presentar unicamente o certificado de grado de minusvalía.

4.- Membros computables:

4.1.- Considerarase membro computable da unidade familiar os pais non separados legalmente e, no seu caso, o titor/a ou a persoa encargada da garda e protección do/a menor, o/a solicitante, os irmáns ou irmás con discapacidade física, psíquica ou sensorial que convivan no domicilio familiar ou incapacitados xudicialmente, suxeitos á patria potestade

prorrogada ou rehabilitada, e os irmáns ou irmás menores de idade, con excepción dos emancipados, e os irmáns solteiros/as menores de 25 anos que convivan no domicilio familiar a 31 de decembro de 2015.

4.2.- Cando non exista vínculo matrimonial, a unidade familiar entenderase constituída polo pai, a nai e todos os fillos dos pais que convivan con eles e que reúnan os requisitos citados anteriormente. No caso de que non exista convivencia deberá acreditarse documentalmente mediante o correspondente certificado ou volante de convivencia colectivo ou outros documentos que acrediten suficientemente tal extremo.

4.3.- No caso de familias monoparentais en que conviva un só proxenitor ou titor/a co alumno/a, deberá acreditarse documentalmente esta circunstancia. No caso de divorcio ou separación legal dos pais non se considerará membro computable aquel que non conviva co alumno/a. Non obstante, se é o caso, terá a consideración de membro computable o novo cónxuxe ou persoa unida por análoga relación, e as rendas incluíranse dentro do cómputo da renda familiar.

4.4.- No caso de falecemento dalgún dos proxenitores do alumno/a que convivisen con el, acreditarase mediante certificado de defunción ou fotocopia do libro de familia onde figura esta circunstancia.

4.5.- A separación ou divorcio acreditarase mediante sentenza xudicial que a determine ou convenio regulador onde conste a custodia do menor.

4.6.- No caso de separación ou divorcio dos proxenitores con custodia compartida acreditada mediante sentenza xudicial, as rendas de ambos incluíranse dentro do cómputo da renda familiar.

4.7.- En casos especiais en que a unidade familiar non estea conformada do xeito establecido no punto 4.1. destas bases, deberá achegarse certificado ou volante de convivencia colectivo en que figure o alumno/a polo cal se solicita a axuda e todos os familiares que convivan con el, así como certificado dos servizos sociais do municipio que acredite tal extremo.

4.8.- Nos supostos en que o solicitante da axuda sexa un menor en situación de acollemento, será de aplicación á familia de acollida o disposto nos parágrafos anteriores.

4.9.- Nos casos de violencia de xénero, no ámbito familiar quedarán excluídos no cómputo das rendas os ingresos do agresor, considerándose a familia como monoparental.

5.- Valoración económica: Para a concesión das axudas as solicitudes ordearanse de maior a menor en función da renda per cápita, concedéndose a axuda a aqueles solicitantes cunha renda per cápita inferior, ata a concesión de todas as axudas e crédito dispoñible.

6.- Se o considera necesario, a Comisión cualificadora poderá ter en conta outras circunstancias do/a solicitante, debidamente acreditadas, que poidan afectar á súa situación económica, académica ou familiar e que non foron recollidas nestas bases.

7.- A presentación de solicitude da axuda implicará a autorización ao Concello de Carballo para comprobar a veracidade dos datos ou para facer as consultas a outras administracións que considere oportunas para solicitar a información necesaria para a adxudicación da axuda, sendo necesaria tamén a autorización do resto dos membros computables da unidade familiar que obteñan ingresos, que deberán asinar para tal fin no impreso de solicitude e indicar o seu NIF.

CUARTA.- O crédito total destinado á concesión de axudas de estudos para alumnado de 2º ciclo de educación infantil e de Conservatorio Profesional de Música de Carballo para o ano 2016-2017 ascende a cincuenta e dous mil cincocentos euros (52.500 €). Este importe distribuirase do seguinte xeito:

- Para alumnos e alumnas que cursen estudos de **segundo ciclo de educación infantil: Trescentas dez axudas de cento cincuenta euros (150 €) cada unha**, que en total ascenden á cantidade de **46.500 €**.
- Para alumnas/os que estén cursando estudos no **Conservatorio Profesional de Música de Carballo: Seis mil euros (6.000 €)**. O importe individual da axuda para alumnos do Conservatorio Profesional de Música de Carballo ascenderá ao **50% do custe da súa matrícula dunha soa especialidade para o curso completo**, non tendo en conta as materias soltas ou pendentas.

Unha vez realizada a adxudicación a todos os solicitantes que cumpran os requisitos, se nalgunha das liñas de axuda quedara crédito dispoñible este poderá adicarse á concesión de axudas a outra liña.

QUINTA.- As solicitudes para tomar parte nesta convocatoria deberán presentarse en impreso oficial no Rexistro Xeral do Concello de Carballo (preferentemente no Rexistro existente no Pazo da Cultura, Rúa do Pan s/nº), no prazo de 15 días hábiles, contados dende o día seguinte á publicación do anuncio da convocatoria no Boletín Oficial da Provincia e taboleiro de anuncios do Concello. O impreso oficial facilitarase no Rexistro Xeral do Concello e nas oficinas municipais de Cultura. Co impreso de solicitude entregaranse os seguintes documentos:

a) Volante de convivencia colectivo no Concello de Carballo.

b) Fotocopia do libro de familia no cal figuren todos os membros da unidade familiar. No caso de non ter libro de familia ou se a situación familiar non coincide coa reflectida no libro, terá que presentarse documento ou documentos que acrediten os membros da unidade familiar.

c) Fotocopia do DNI ou NIF provisional do beneficiario e fotocopia do DNI do pai, nai ou titor/a que conste na solicitude da axuda.

d) No caso de discapacidade do/a alumno/a, do solicitante ou dalgún dos membros da unidade familiar incluídos na solicitude deberá acompañarse copia compulsada de:

- Certificado emitido polo órgano competente do grao de minusvalía cunha porcentaxe igual ou superior ao 33%

- Resolución ou certificado emitido pola Seguridade Social de pensión de incapacidade permanente nos graos de total, absoluta ou grande invalidez.

- Documentación acreditativa da condición de pensionista de clases pasivas cunha pensión de xubilación ou retiro por incapacidade permanente para o servizo ou inutilidade.

e) Copia da Declaración do Imposto sobre a Renda do 2015 de todos os membros computables da unidade familiar.

No caso de exención legal de presentar a Declaración da Renda, presentarase certificado de estar exento de facela, no que tamén consten os datos sobre os ingresos que posúe a Axencia Tributaria e declaración xurada dos ingresos obtidos pola unidade familiar no ano 2015, achegando fotocopia compulsada de todos e cada un dos documentos acreditativos correspondentes.

Os/as residentes ausentes ou emigrantes presentarán, no caso anterior, certificación acreditativa das retribucións íntegras anuais que perciban da empresa ou entidade onde traballen.

f) Documentación acreditativa de calquera outra circunstancia que se alegue para que se teña en conta nos criterios de concesión.

g) Os/as alumnos/as de Educación Infantil deberán presentar o certificado do centro de que están recibindo o ensino correspondente ou fotocopia ou resguardo da matrícula para o curso 2016-2017.

h) No caso dos alumnos do Conservatorio Profesional de Música de Carballo documento que acredite a matrícula no Conservatorio Profesional de Música de Carballo e a formalización do seu pago.

i) Declaración xurada de que non percibe outras axudas ou bolsas ao ensino de calquera tipo ou, no caso de telas solicitado e non ter aínda resposta, indicar a que organismo.

j) Xustificante de titularidade onde constará o número de conta (co IBAN) a nome do beneficiario da axuda. Cando o beneficiario fose menor de idade, deberá constar tamén como titular o pai, nai ou titor/a que conste na solicitude de axuda.

k) Declaración xurada de que está ao corrente coas obrigas tributarias coa Axencia Tributaria e coa Seguridade Social. A documentación que se presente deberá ter validez na data de finalización do prazo de presentación de solicitudes.

As solicitudes presentadas serán revisadas e examinadas polos servizos técnicos municipais, e os defectos que se aprecien nelas seranlles comunicados os/as interesados/as, para que no prazo de dez días procedan á súa reparación.

SEXTA.- As solicitudes presentadas serán valoradas de acordo cos criterios de outorgamento especificados nestas Bases. A concesión das axudas realizarase en réxime de concorrencia competitiva e resolverá a Xunta de Goberno Local, logo da proposta motivada da Comisión avaliadora correspondente. A dita comisión estará formada por:

Presidenta: Concelleira delegada de Educación.

Vogais: Dous Concelleiros delegados

Na Comisión avaliadora actuará como secretario/a, sen voto, un/unha funcionario/a da unidade administrativa á que lle corresponda a súa tramitación e como informador/a da súa tramitación a/o traballador/a do servizo de Cultura que se encargue da mesma.

A resolución co acordo de concesión e denegación das axudas publicarase no taboleiro de anuncios do Concello de Carballo.

SÉTIMA.- O pagamento das axudas efectuaráselle á/ao solicitante da axuda (ao beneficiaria/o ou á/ao seu representante legal segundo proceda), unha vez resolto a concesión das axudas.

Todas as axudas están suxeitas ao Imposto sobre a Renda das Persoas Físicas.

OITAVA.- Os/as beneficiarios das axudas están obrigados a destinar a axuda finalidade para a que se concede, podendo o Concello solicitarlle que acredite ante a entidade concedente o cumprimento dos requisitos e condicións que determinen a concesión ou aproveitamento da axuda.

Estas axudas son incompatibles con calquera outra que teña a mesma finalidade ou para os mesmos estudos que puideran recibirse doutras entidades ou persoas públicas ou privadas. Polo tanto, as/os beneficiarias/os das axudas deberán comunicarlle ao Concello de Carballo a obtención doutras axudas ou subvencións para a mesma finalidade.

As axudas do Conservatorio son compatibles con axudas ou bolsas para outros estudos.

O Concello poderá esixir a devolución da axuda se ten coñecemento de que a/o beneficiaria/o obtivo outras subvencións ou axudas para a mesma finalidade ou se este non realizou os estudos para os que se concedeu a axuda, podendo esixir certificación acreditativa de que os estudos se cursaron.

Os/as beneficiarios/as deberán someterse ás actuacións de comprobación do Concello e ás de control financeiro que corresponde á Intervención Municipal así como facilitar toda a información que lle sexa requerida pola Intervención Xeral da Comunidade Autónoma, polo Tribunal de Contas e polo Consello de Contas no exercicio das súas funcións.

NOVENA.- De conformidade coa Lei Orgánica 15/1999 de 13 de decembro de Protección de datos de carácter persoal (LOPD), infórmase que os datos suministrados nos formularios que se presenten a esta convocatoria poden pasar a formar parte dun ficheiro automatizado de titularidade do Concello de Carballo, cuxa finalidade é a xestión da convocatoria para a que se presenta esta solicitude. O responsable dos datos recollidos será a Concellaría de Cultura, con enderezo en Praza do Concello, s/n 15100 Carballo. O Concello de Carballo e a Concellaría de Cultura comprométense a adoptar as medidas de seguridade que correspondan en cumprimento do establecido na lexislación vixente en materia de protección de datos de carácter persoal. O interesado poderá exercer os seus dereitos de acceso, rectificación, cancelación e oposición, entregando o formulario disposto para tal finalidade no Rexistro de Entrada Municipal, no enderezo electrónico lopd@carballo.org ou chamando ao tfno. 981 704 703.

DÉCIMA.- Con respecto ao non previsto nestas bases aplicarase supletoriamente, en primeiro lugar, o disposto na Convocatoria de axudas para adquirir libros de texto e material escolar destinadas ao alumnado matriculado en educación primaria, educación secundaria obrigatoria e educación especial en centros sostidos con fondos públicos para o curso 2016-2017, da Consellería de Cultura, Educación e Ordenación Universitaria (Orde do 27 de abril de 2016), en segundo lugar no Real Decreto 1721/2007 (do 21 de decembro) do Ministerio de Educación, por el que se establece el régimen de las becas y ayudas al estudio personalizadas, ou nas convocatorias xerais anuais de axudas de estudos do Ministerio de Educación correspondentes ao ano 2016.

Ademais aplicarase supletoriamente: Ley 38/2003, de 17 de noviembre, General de Subvenciones; R.D.887/2006 polo que se aproba o Regulamento de desenvolvemento da Lei 38/2003, do 17 de novembro, xeral de subvencións; Lei 9/2007, de 2007, de 13 de xuño, de Subvencións de Galicia. Ordenanza Xeral de Subvencións do Concello de Carballo

UNDÉCIMA.- Facúltase amplamente á Alcaldía para os efectos de execución de canto antecede.